





陶淵明集

余家藏書五六千卷先君點勘者亦千餘卷余手
鈔釋典佛經略全教制例五尺許庚申省垣失
陷盡棄平生玩好書畫器具獨攜書八遺園之
鄉迨後轉徙遷徙必挈之以行蓋平生嗜好此
為最篤雖少年孤露失學而展卷相對輒忘
寢食今多病早衰百事不營此種結習猶未
去年臘月浦東失事余方僑居申以梓

烟通也寄法金澤陸氏既素雨日間即遭
賊燭事定尋訪片紙不遺然賊雖殘忍而
文字非其所好不過搜毀而已終未至於滅跡
或曰同好者捨之耳今陶詩節集一本向置
中笥中出遊外與俱不謂之壽又於途中失
言平生善人世之樂是遠之者為不予昇平命
何如每一念及痛徹心肺逸本稍續置
此集求之數月始得展讀教是頓忘風疾惜向之藏者
濃園雅塗而於吾魚亥存之愛此未換正暇日嘗

以別色豎正聊自娛悅淺此以申欣感之極同治
建元初冬申江陸氏屬高兩坪記



序

梁昭明太子統撰



夫自銜自媒者士女之醜行不伎不
求者明達之用心是以聖人韜光賢
人遁世其故何也舍德之至莫踰於
道親已之功莫重于身故道存而身

安道亡而身害處百齡之內居一世
之中倏忽比之白駒寄寓謂之送旅
宜乎與大塊而盈虛隨中和而任放
豈能戚戚勞於憂畏汲汲役於人間
齊謳趙女之娛八珍九鼎之食結駟
連騎之榮侈袂執圭之貴樂既樂矣

憂亦隨之何倚伏之難量亦慶吊之
相及智者賢人居之甚履薄冰愚夫
貪士競之若洩尾閭玉之在山以見
珎而終破蘭之生谷雖無人而自芳
故莊周垂釣于濠伯成躬畊於野或
貨東海之藥草或紡江南之落毛辟

序二
彼鴛鴦豈競鳧鷖之肉猶斯雜縣寧
勞文仲之牲至於子常甯喜之倫蘓
秦衛鞅之匹死之而不疑甘之而不
悔主父偃言生不五鼎食死則五鼎
烹卒如其言豈不痛哉又楚子觀周
受折於孫滿霍庚隳垂起負芒

饕餮之徒其流甚衆唐堯四海之主
而有汾陽之心子晉天下之儲而有
洛濱之志輕之若脫屣視之若鴻毛
而况於他人乎是以至人達士因以
蕪跡或懷釐而謁帝或被褐而負薪
數柸清潭棄機漢曲情不在於衆事

寄衆事以忘情者也有疑陶淵明詩
篇篇有酒吾觀其意不在酒亦寄酒
為迹者也其文章不羣詞采精拔跌
宕昭彰獨超衆類抑揚爽朗莫之與
京橫素波而傍流于青雲而直上語
時事則指而可想論懷抱則曠而且

真加以貞志不休安道苦節不以躬
耕為耻不以無財為病自非大賢篤
志與道汗隆孰能如此乎余愛嗜其
文不能釋手尚想其德恨不同時故
加搜較粗為區目白璧微瑕惟在閒
情一賦楊雄所謂勸百而諷一者卒

無諷諫何足搖其筆端惜哉亡是可也點定其傳編之於錄嘗謂有能觀淵明之文者馳競之情遺鄙吝之意祛貧夫可以廉懦夫可以立豈止仁義可蹈抑乃爵祿可辭不必傍游泰華遠求柱史此亦有助於風教也

漢蔡中郎竹冊

陶淵明全集目次

第一卷

詩四言

停雲

時運

榮木

贈長沙公

酬丁柴桑

答龐參軍

勸農

命子

歸鳥

第二卷

詩五言

形贈影

影答形

神釋

九日閒居

歸園田居

問來使

遊斜川

示周祖謝三郎

漢蔡中郎竹冊

乞食

游周家墓栢下

怨詩楚調

答龐參軍

和戴主簿

連雨獨飲

移居

和劉柴桑

酬劉柴桑

和郭主簿

于王撫軍座送客

別殷晉安

贈羊長史

和張常侍

和胡曹示願曹

悲從弟仲德

第三卷

詩五言

始佗鎮軍叅軍經曲阿

庚子歲五月中從都還阻風

辛丑歲七月赴假還江陵

漢蔡中郎竹冊

癸卯歲始春懷古田舍

癸卯十二月中作與從弟敬遠

乙巳歲三月使都經錢溪

還舊居
戊申歲六月遇火

巳酉歲九月九日

庚戌歲九月中于西田穫早稻

丙辰歲八月中于下溪田舍穫

飲酒二十首 述酒

責子 有會而作

蜡日

第四卷

詩五言

擬古九首 雜詩十二首

詠貧士七首 詠二疎

漢蔡中郎竹冊

詠三良 詠荆軻

讀山海經十三首

擬挽歌詞 桃花源有記

歸去來辭

半四里... 答曰半無手... 日對... 耕木... 五... 今... 木

漢蔡中郎竹冊

陶淵明全集第一卷

長安... 振錄... 西... 請...

不... 方...

印...

詩四言

停雲

停雲思親友也樽湛新醪

湛讀園列

初榮願言不從歎息彌襟

靄靄停雲濛濛時雨八表同昏平路伊阻靜

寄東軒春醪獨撫良朋悠邈搔首延佇
停雲靄靄時雨濛濛八表同昏平陸成江有
酒有酒閒飲東窓願言懷人舟車靡從
東園之樹枝條再榮競用新好以招余情人
亦有言日月于征安得促席說彼平生
翻翻飛鳥息我庭柯歛翮閒止好聲相和豈
無他人念子寔多願言不獲抱恨如何

漢蔡中郎竹冊

時運

時運遊暮春也春服既成景物斯和
偶影獨游欣慨交心

邁邁時運穆穆良朝韻我春服薄言東郊山
滌餘靄宇暖微霄有風自南翼彼新苗
洋洋平津乃漱乃濯邈邈遐景載欣載矚稱
心而言人亦易足揮茲一觴陶然自樂

延目中流悠悠清沂童冠齊業閒詠以歸我
愛其靜寤寐交揮但恨殊世邈不可追
斯晨斯夕言息其廬花藥分列林竹翳如清
琴橫床濁酒半壺黃唐莫逮慨獨在余

榮木

榮木念將老也日月推遷已復有夏
總角聞道白首無成

漢蔡中郎竹冊

采采榮木結根于茲晨耀其華夕已喪之人

生若寄顛顛

與樵悴同

有時靜言孔念中心悵而

采采榮木于茲托根繁華朝起慨暮不存貞

脆由人禍福無門匪道曷依匪善奚敦

嗟予小子稟茲固陋祖年既流業不增舊志

彼不舍安此日富我知懷矣怛焉內疚

先師遺訓余豈云墜四十無聞斯不足畏脂

我名車○榮我名驥○千里雖遙○孰敢不至○

贈長沙公族祖

長沙公於予為族一作余於長祖同

出大司馬漢高帝時陶舍昭穆既遠已為路

人經過潯陽臨別贈此

同源分流人易世踈慨然寤嘆念茲厥初禮

服遂悠歲月眇祖感彼行路眷然躊躇

漢蔡中郎竹冊

於穆令族允構斯堂諧氣冬暄映懷圭璋爰

采春花載警秋霜我曰欽哉實宗之光

伊余云邁在長志同笑言未久逝焉西東遙

遙三湘滔滔九江山川阻遠行李時通

何呂寫心貽此話言進篋雖微終焉為山敬

我離人臨路悽然款襟或遼音問其先

酬丁紫桑紫桑潯陽故里

有客有客爰來爰止秉直司聰于惠百里餐
勝如歸聆善若始

匪惟諧也。屢有良繇載言載眺以寫我憂放
歡一遇既醉還休寔欣心期方從我遊

荅龐參軍

龐為衛軍參軍從江陵使上都過潯
陽見贈

漢蔡中郎竹冊

衡門之下有琴有書載彈載詠爰得我娛豈
無他好樂是幽居朝為灌園夕偃蓬廬

人之所寶尚或未珍不有同愛云何以親我
求良友寔覲懷人懽心孔洽棟宇惟隣

伊余懷人欣德孜孜我有旨酒與汝樂之乃

陳好言乃著新詩一日不見如何不思

嘉遊未斲誓將難分送爾于路街觴無欣依

依舊楚邈邈西雲之子之遠良話曷聞
管我云別倉庫載鳴今也遇之霰雪飄零大
藩有命佗使上京豈忘宴安王事靡寧
慘慘寒日肅肅其風翩彼方舟容裔江中勗
我征人在始思終敬茲良辰以保爾躬

勸農

悠悠上古厥初生人傲然自足抱朴含真智

漢蔡中郎竹冊

巧既萌資待靡因誰其贍之實賴哲人

哲人伊何時為后稷贍之伊何實曰播殖舜
既躬耕禹亦稼穡遠若周典八政始食

熙熙令音猗猗原陸卉木繁榮和風清穆紛
紛士女趨時競逐桑婦宵征農夫野宿
氣節易過和澤難久冀缺攜儻沮溺結耦相
彼賢達猶勤壟畝矧伊衆庶曳裾拱手

言竇而佩
唐以爲孝
此特懷也

民生在勤○勤則不匱○宴安自逸○歲暮奚冀○儋
石不儲○饑寒交至○願爾儔列○能不懷愧○
孔耽道德○樊須是鄙○董樂琴書○田園不履○若
能超然○投迹高軌○敢不歛衽○敬讚德美○

命子

悠悠我祖○爰自陶唐○邈焉虞賓○歷世重光○御
龍勤夏○豕韋翼商○穆穆司徒○厥族以昌○

漢蔡中郎竹冊

紛紛戰國○漠漠衰周○鳳隱於林○幽人在丘○逸

斟遶雲蚪俗作蛇非奔鯨駭源天集有漢眷予愍

侯侯陶舍也

於赫愍侯○運當攀龍○撫劍夙邁○顯茲武功○書

誓山河○啓土開封○壘壘丞相○允迪前蹤相陶青也

渾渾長源○蔚蔚洪柯○羣川載導○衆條載羅○時

有語默運○因隆宥在○我中晉業○融長沙

桓桓長沙伊勛伊德天子疇我專征南國功
遂辭歸臨寵不忒孰謂斯心而近可得
肅矣我祖慎終如始直方二臺惠和千里於
皇仁考淡焉虛止寄跡風雲寘茲愠喜
嗟余窻陋瞻望弗及願慚華鬢負影隻立三
千之罪無後為急我誠念哉呱聞爾泣
卜云嘉日占亦良時名汝曰儼字汝求思溫

漢蔡中郎竹冊

恭朝夕念茲在茲尚想孔伋庶其企而
厲夜生子遽而求火凡百有心奚待於我既
見其生寔欲其可人亦有言斯情無假
日居月諸漸免于殃福不虛至禍亦易來夙
興夜寐願爾斯才爾之不才亦已焉哉

歸鳥

翼翼歸鳥晨去于林遠之八表近憇雲岑和

陶集 卷一
風不洽翻翻求心願儔相鳴景庇清陰
翼翼歸鳥載翔載飛雖不懷游見林情依遇
雲頡頏相鳴而歸遐路誠悠性愛無遺
翼翼歸鳥馴林徘徊豈思天路欣及舊棲雖
無管侶衆聲每諧日夕氣清悠然其懷
翼翼歸鳥戢羽寒條游不曠林宿則森標晨
風清興好音時交增繳奚施已卷安勞

漢蔡中郎竹冊

陶淵明全集第二卷

詩五言

形影神

貴賤賢愚莫不營營以愔生斯甚惑
焉故極陳形影之苦言神辨自然以
釋之好事君子共取其心焉

形贈影

風不洽翻翻求心願儔相鳴景庇清陰

翼翼歸鳥載翔載飛雖不懷游見林情依遇

雲頰頰相鳴而歸遐路誠悠性愛無遺

翼翼歸鳥馴林徘徊豈思天路欣及舊棲雖

無宿宿衆聲每諧日夕氣清悠然其懷

翼翼歸鳥戩羽寒條游不曠林宿則森標晨

風清興好音時交贈繳矣施已卷安勞

漢蔡中郎竹冊

陶淵明全集第二卷

詩五言

形影神

黃賤賢愚莫不營營以惱生斯甚惑

馬故極陳形影之苦言神辨自然以

釋之好薄君子共取其心焉

形贈影

天地長不沒山川無改時
 艸木得常理霜露榮悴之
 謂人寂靈智獨復不如茲
 適見在世中奄去靡歸期
 奚覺無一人親識豈相思
 但餘平生物舉目情悽沍
 沍沍如之切我無騰化術必爾不復疑
 願君取吾言得酒莫苟辭

影答形

存生不可言衛生每若拙
 誠願游崑華邈然

漢蔡中郎竹冊

茲道絕與子相遇未未嘗異
 悲悅懋蔭若暫乖止日終不
 別比同既難常黯爾俱時滅
 身沒名亦盡念之五情契立
 善有遺愛胡為不自竭酒云
 能消憂方此詎不劣

神釋

大鈞無私力萬理自森著
 人為三才中豈不以我故
 與君雖異物生而相依附
 結託善惡

同安得不相語三皇大聖人今復在何處彭
祖壽永年欲留不得住老少同一死賢愚無
復數日醉或能忘將非促齡具立善常所欣
誰當為汝譽甚念傷吾生正宜委運去縱浪
大化中不喜亦不懼應盡便湏盡無復獨多
慮

九日間居

漢蔡中郎竹冊

余間居愛重九之名秋菊盈園而持
醪靡繇空服九華寄懷於言

世短意常多斯人樂久生日月依辰至舉俗
愛其名露淒暄風息氣澈天象明往鴈無遺
影來鴈有餘聲酒能祛百慮菊為制頽齡如
何蓬廬士空視時運傾塵爵耻虛壘寒華徒
自榮歛襟獨閒謠緬焉起深情棲遲固多娛

淹留豈無成

歸園田六首

其一

少無適俗韻。性本愛丘山。誤落塵網中。一去三十年。羈鳥戀舊林。池魚思故淵。開荒南野際。守拙歸園田。方宅十餘畝。草屋八九間。榆柳蔭後園。桃李羅堂前。曖曖遠人村。依依墟

漢蔡中郎竹冊

里烟狗吠深巷中。雞鳴桑樹巔。戶庭無塵雜。虛室有餘閒。久在樊籠裡。復得返自然。

其二

野外罕人事。窮巷寡輪鞅。白日掩荆扉。虛空絕塵想。時復墟曲中。披艸共來往。相見無雜言。但道桑麻長。桑麻日已長。我土日已廣。常恐霜霰至。零落同草莽。

其三

種豆南山下，草盛豆苗稀。
晨興理荒穢，帶月荷鋤歸。
道狹草木長，夕露沾我衣。
衣沾不足惜，但使願無違。

其四

久去山澤游，浪莽林野娛。
試攜子侄輩，披榛步荒墟。
徘徊丘壑間，依依管人居。
井竈有遺

漢蔡中郎竹冊

處桑竹殘朽株，借問採薪者。
此人皆焉如，薪者向我言。
死沒無復餘，一世異朝市。
此語真不虛，人生佯幻化。
終當歸空無。

其五

悵恨獨策還，嶠嶇歷榛曲。
山澗清且淺，遇以濯吾足。
漉我新熟酒，隻雞招近局。
日入室中闇，荆薪代明燭。
歡來苦夕短，已復至天旭。

其六

種苗在東皋。苗生滿阡陌。雖有荷鋤倦。濁酒聊自造。日暮巾柴車。路暗光已夕。婦人望烟火。稚子候簷隙。問君亦何為。百年會有役。但願桑麻成。蠶月得紡績。素心正如此。開徑望三益。

問來使

漢蔡中郎竹冊

爾從山中來。早晚發天目。我屋南窓下。今生幾叢菊。薔薇葉已抽。秋蘭氣當馥。歸去來山。中山中酒應軟。

遊斜川

辛丑正月五日天氣澄和風物閑美。與二三隣曲同遊斜川。臨長流望曾城。魴鯉躍鱗於將夕。水鷗乘和以翻。

飛彼南阜者名寔舊矣不復乃為嗟
喋若夫曾城倚無依接獨秀中皋遙
想靈山有愛嘉名欣對不足率爾賦
詩悲日月之遂往悼吾年之不畱各
踈年紀鄉里以記其時日

開歲倏五日吾生行歸休念之動中懷及辰
為茲遊氣和天惟澄班聖依遠派弱湍馳文

漢蔡中郎竹冊

魴閑谷矯鳴鷗迥澤散游目緬然睇曾丘雖
微九重秀頤瞻無匹儔提壺接賓侶引滿更
獻酬未知從今去當復如此否中觴縱遥情
忘彼千載憂且極今朝樂朋日非所求

示周續之祖企謝景夷三郎

時三人皆
講禮拔書

負疴頽簷下終日無一欣藥石有時閑念我
意中人相去不尋常道路遯何因周生述孔

業祖謝響然臻道喪向千載今朝斯復開馬
隊非講肆校書亦已勤老夫有所愛思與爾
為鄰願言誨諸子從我穎水濱

乞食

饑來驅我去不知竟何之行行至斯里叩門
拙言辭主人解余意遺贈豈虛來談話終日
夕觴至輒傾盃情欣新知歡言詠遂賦詩感

漢蔡中郎竹冊

子漂母惠愧我非韓才銜戢如何謝冥報以
相貽

諸人共游周家墓柏下

今日天氣佳清吹與鳴彈

吹尺偽切噓也

感彼栢下

人安得不為歡清歌散新聲綠酒開芳顏未
知明日事余襟良已殫

怨詩楚調示龐主簿遵鄧治中

天道幽且遠鬼神茫昧然結髮念善事僂俛
六九年弱冠逢世阻始室喪其偏炎火屢焚
如螟蟻恣中田風雨縱橫至收斂不盈屢夏
日長抱饑寒夜無被眠造夕思雞鳴及晨顛
烏遷在已何怨天離憂悽目前吁嗟身後名
於我若浮烟慷慨獨悲歌鍾期信為賢

荅龐參軍

漢蔡中郎竹冊

三復來貺欲罷不能自爾隣曲冬春
再交欵然良對忽成舊遊俗諺云敦
面成親舊况情過此者乎人事好乖
侵當語離楊公所歎豈惟常悲吾抱
疾多年不復為文本既不豐復老病
繼之輒依周孔往復之義且為別後
相思之資

相知何必舊傾蓋定前言有客賞我趣每每
頽林園談諧無俗調○所說聖人篇或有數斗
酒閒飲自歡然我寔幽居士無復東西緣物
新人惟舊弱毫多所宣情通萬里外形跡滯
江山君其愛體素來會在何年

五月旦任和戴主簿

虛舟縱逸棹回復遂無窮發歲始俛仰星紀

漢蔡中郎竹冊

奄將中南窓罕悴物此林榮且豐神淵寫時
雨晨色奏景風既來孰不去人理固有終居
常待其盡曲肱豈傷冲遷化或夷險肆志無
宏隆即事如已高何必升華嵩

連雨獨飲

運生會歸盡終古謂之然世間有松喬於今
定何闕故老贈余酒乃言飲得仙試酌百情

遠重觴忽忘天天豈去此我任真無所先雲
鶴有竒翼八表須臾還自我抱茲獨僂俛四
十年形骸久已化心在復何言

移居二首

其一

簪欲居南村非為卜其宅聞多素心人樂與
數晨夕懷此頗有年今日從茲役弊廬何必

漢蔡中郎竹冊

廣取足蔽牀席隣曲時時來茲言談在管竒
文共欣賞疑義相與析

其二

春秋多佳日登高賦新詩過門更相呼有酒
斟酌之農務各自歸閒暇輒相思相思則披
衣言笑無厭時此理將不勝音升無為忽去任也
茲衣食當須紀力耕不可欺

和劉柴桑

遺民嘗作柴桑令

山澤久見招胡事乃躊躇直為親舊故未忍
言索居良辰入竒懷挈杖還西廬荒途無歸
人時時見廢墟茅茨已就治新疇復應畬谷
風轉淒薄春醪解饑劬弱女雖非男慰情良
勝無棲棲世中事歲月共相踈耕織稱其用
過此矣所湏去去百年外身名同翳如

漢蔡中郎竹冊

酬劉柴桑

窮居窻人用時忘事四運周欄庭多落葉慨然
已知秋新葵鬱北牖嘉穰養南疇今我不為
樂知有來歲不命室攜童弱良日登遠遊

和郭主簿二首

其一

藹藹堂前林中夏貯清陰凱風因時來回飈

開我襟息交遊閑業卧起弄書琴園蔬有餘
滋蓄穀猶儲今營已良有極過足非所欽春
秣作美酒酒熟吾自斟弱子戲我側學詩未
成音此事真復樂聊用忘華簪遥遥望白雲
懷古一何深

其二

和澤周三春清涼素秋節露凝無游氛天高

漢蔡中郎竹冊

風景澈陵岑聳逸峰遥瞻皆竒絕芳菊開林
耀青松冠巖列懷此貞秀姿卓為霜下傑街
觴念幽人千載撫爾訣檢素不獲展厭厭竟
良月

於王撫軍座送客

秋日淒且厲百卉具已腓爰以履霜節登高
餞將歸寒氣冒山澤游雲倏無依洲渚四緬

遯風水正乖違瞻夕欲良讌離言聿云悲晨
鳥暮來還懸車歛餘輝逝止判殊路旋駕悵
遲遲目送回舟遠情隨萬化遺

與殷晉安別

景仁名鐵

殷先作晉安南府長史掾因居潯陽

後任太尉劉裕參軍移家東下作此

以贈

漢蔡中郎竹冊

遊好非久長一遇盡殷勤信宿酬清話益復
知為親去歲家南里薄作少時隣負杖肆游
從淹留忘宵晨語默自殊勢亦知當垂分未
謂事已及興言在茲春飄飄西來風悠悠東
去雲山川千里外言笑難為因良才不隱世
江湖多賤貧脫有經過便念來存故人

贈羊長史

松齡

左軍羊長史銜使秦川關中佗此與
之

愚生三季後慨然念黃虞得知千載外正賴
古人書賢聖留餘跡事事在中都豈忘游心
目關河不可踰九域甫已一游將理舟輿聞
君當先邁負疴不獲俱路若經商山為我少
躊躇多謝綺與角角精爽今何如紫芝誰復採

漢蔡中郎竹冊

深谷久應蕪駟馬無貫患貧賤有文娛清謠
結心曲人垂運見踈擁懷累代下言素意不
舒

歲暮和張常侍

市朝悽舊人驟驥感悲泉明旦非今日歲暮
余可言素顏斂光潤白髮一已繁濶哉秦穆
談旅力豈未愆向夕長風起寒雲沒西山厲

厲氣遂嚴紛紛飛鳥還民生鮮常在劫伊愁
苦纏屢闕清酤至無以樂當年窮通靡攸慮
顛顛由化遷撫已有深懷履運增慨然

和胡西曹示願曹

蕤賓五月中清朝起威颺不駛亦飄飄
吹我衣重雲蔽白日閑雨紛微微流目視西
園曄曄榮紫葵於今甚可愛奈何當復衰感

漢蔡中郎竹冊

物頤及時每恨靡所揮悠悠待秋稼寥落將
賒遲逸想不可淹猖狂獨長悲

悲從弟仲德

銜哀過舊宅悲淚應心零借問為誰悲懷人
在九冥禮服名羣從恩愛若同生門前執手
時何意爾先傾在數竟未免為山不及成慈
母沉哀疚二胤纔數齡雙位委空館朝夕無

36579

計字

陶集

卷二

十一

哭聲流塵集虛坐宿草旅前庭階除曠遊迹
 園林獨餘情翳然乘化去終天不復形遲遲
 將回步惻惻悲襟盈

臨終大感也
 陶集卷二



程